

*Канон Введению во храм
Пресвятой Богородицы
Празднуем 21 ноября (4 декабря)*

Тропарь, глас 4-й

Днесь благоволения Божия предображение и человеков спасения проповедание, в храме Божии ясно Дева является, и Христа всем предвозвещает. Той и мы велегласно возопиим: радуйся, смотрения Зиждителя исполнения.

Канон, глас 4-й

Песнь 1

Ирмос: Отверзу уста моя, и наполняется Духа и слово отрыгну Царице Матери, и явлюся светло торжествуя, и воспую радуясь Тойя вхождение.

Припев: Пресвятая Богородице, спаси нас.

Премудрости Пречистая, Ты сокровище вемы и благодати, точащую источник прискотекущий разума, просим, Твоя капли ожди, Владычице, еже воспевати Тя присно.

Пресвятая Богородице, спаси нас.

Превышши Пречистая небес бывши, храм и палата, в храм Божий возложилася еси, Тому уготоватися в Божественное жилище пришествия Его.

Слава: Свет возсиявши Богородица благодати, вся просвети и совокупи пресветлое Ея украсити торжество песньми: приидите к Ней стецемся.

И ныне: Дверь славная, помыслы непроходимая, двери отверзши храма Божия, ныне повелевает нам совшедшим,

Божественных Ея чудес насладитися.

Песнь 3

Ирмос: Твоя песнословцы, Богородице, живый и независтный источник, лик себе совокупльшия духовно утверди, в честном вхождении Твоём венцев славы сподоби.

Пресвятая Богородице, спаси нас.

Невестокраситель днесь явился красный Девы храм и чертог, приём одушевленный чертог Божий, Чистую и Непорочную, и светлейшую вся твари.

Пресвятая Богородице, спаси нас.

Давид предначиная ликование, играет и ликовствует с нами, и Царицу зовёт Тя украшену Пречистая, предстоящу Всечистая, в храме Царю и Богу.

Слава: Из неяже преступление произыде древле роду человеческому, из Тоя исправление и нетление процветё. Богородица днесь приводима в Дом Божий.

И ныне: Играют Ангельская воинства, и всех человек множество, и пред лицем, Пречистая, предтекут Твоим днесь священосицы, зовуще: величества Твоя в Дому Божия.

Господи, помилуй. (*Трижды.*) Слава, и ныне.

Седален, глас 4-й

Возопий Давиде, что сей настоящий праздник, Юже воспёл еси иногда в книзе псаломстей яко Дщерь Богоотроковицу и Деву: приведутся, рече, Царю таинственно девы во след Ея, и ближния Ея. И дивен соделай и всемирен праздник зовущим: Богородица нам предста, спасения Ходатаица.

Слава, и ныне: Непорочная Агница и нескверный чертог, в Дом Божий Богородица Мариам с веселием вводится преславно, Юже Ангели Божии дориносят верно, и вси вернии блажат присно, и благодарственно поют Ей непрестанно велиим гласом: наша слава и спасение Ты еси, Всенепорочная.

Песнь 4

Ирмос: Неизслѣднѣй Божій советъ, еже от Дѣвы воплощѣния Тебѣ Вышняго, пророкъ Аввакум усмотрѣя зовѣше: слава силе Твоѣй, Господи.

Пресвятая Богородице, спаси нас.

Дверь непроходную Божій Дом приѣмля днесь, престати сотвори всякой службѣ законной: яко истинно явися, зовый, сущим на земли Истина.

Пресвятая Богородице, спаси нас.

Гора присѣнная, юже провидѣ дрѣвле Аввакум, предпроведѣа внутрь вместившуюся в неходных храма, добродѣтели процвѣтши, и покрывѣает концы.

Слава: Видевши преславная вся земля, странная же и дивныя вещи, како Дѣва от Ангела пищу приѣмлющи, образы строѣния носит.

И ныне: Храм и палата, и небо одушевленное явльшися, Богоневѣсто Царѣва, в храм законный приводима днесь, Тому соблюдаема Пречистая.

Песнь 5

Ирмос: Ужасошася всяческая в честнѣм вхождѣнии Твоѣм: Ты бо Неискусобрачная Дѣво, внутрь вошла еси в храм Божій, якоже чистѣйшій храм, всем воспевающим Тя мир подавающая.

Пресвятая Богородице, спаси нас.

Священіе славное, и священное возложѣние, днесь Пречистая Дѣва возложившися в храм Божій, Всецарю нашему Богу Единому в жилище соблюдается, яко вѣсть Сам.

Пресвятая Богородице, спаси нас.

Доброту, Пречистая, души Твоея зря некогда, верою Захаріа возопи: Ты еси избавленіе, Ты еси всех радость, Ты еси воззваніе наше, Еюже Невместный вмещен мне явится.

Слава: О паче ума чудес Твоих Всечистая! Странное Твое рождество есть, странен образ возвращенія Твоего, странна и преславна Твоя Богоневѣсто вся, и человеки несказанна.

И ныне: Свѣщник многосвѣтлый сѹщи, Богоневѣсто, днесъ возсіяла еси́ в до́му Господни, и озаряеши ны честными́ даровани́и Чистая, чудесъ Твоихъ Богородице Всепѣтая.

Песнь 6

Ирмос: Божественное си́е и всечестное́ соверша́юще прѣзднество, богомѹдри́и Богомáтере, приидите́ рука́ми восплѣщим, от Нея́ рождшагося Бóга сла́вим.

Пресвятая Богородице, спаси нас.

Вся́ческая нося́й глаго́лом, моли́тву пра́ведных услы́ша, те́мже непло́дныя разреши́в недѹг, я́ко Благоутрѣбен, ра́дости Виновну́ю сим дарова́.

Пресвятая Богородице, спаси нас.

Сказа́ти хотя́ Госпо́дь язы́ком Сво́е спасѣ́ние, Неискусобра́чную ны́не от человекъ прия́т, примирѣ́ния зна́мение и обновле́ния.

Слава: Я́ко дом сѹщи́ благода́ти, в нёмже сокрови́ща лежа́т неизрече́ннаго Бóжия стро́ения Всечистая, в хра́ме причастила́ся еси́ нетле́нныя сла́дости.

И ныне: Диадѹ́му Тя ца́рскую приѣ́м храм Богоневѣсто, просвѣща́шеся, и подступа́ше лѹ́чшим, предрече́нных зря на Тебе́ сбѹ́тие.

Господи, поми́луй. (*Трижды.*) Слава, и ныне.

Кондак, глас 4-й

Пречи́стый храм Спа́сов, многоце́нный черто́г и Дѣва, свяще́нное сокрови́ще сла́вы Бóжия, днесъ вво́дится в Дом Господень, благода́ть совводя́щи, я́же в Ду́се Божественном, Иже воспева́ют Ангели́ Бóжи: Ся́ есть Селѣ́ние Небе́сное.

Икос

Неизрече́нных Бóжиих и Божественныхъ та́ин зря́ в Дѣве, благода́ть явля́емую, и исполня́ему я́вственно, раду́юся, и о́браз разумѣ́ти недоуме́юся стра́нный и неизрече́нный, ка́ко избра́нная Чистая, Еди́на яви́ся па́че всея́ тва́ри ви́димыя и

разумеваемыя? Тѣмже восхвалити хотѣ Сію, ужасаюся зело умом же и словом, обаче дерзая проповѣдаю и величаю: Сія есть селѣние Небѣсное.

Песнь 7

Икос: Не послужиша твари богомудрии паче Создавшаго, но огненное прещѣние мужески поправше, радовахуся поюще: препѣтый отецъ Господь и Бог, благословен еси.

Пресвятая Богородице, спаси нас.

Се днесь возсия концем весны радостная, просвещаящи нашу душу и помышление и ум благодатию, торжеством Богородицы днесь таинственно да учредимся.

Пресвятая Богородице, спаси нас.

Да дароносят днесь всяческая Царице Матери Божии, небо и земля, и Ангелов чины, и человеков множество, и да вопиют: во храм вводится Радость и Избавление.

Слава: Писание мимотечѣ, и оскудѣ закон якоже сень, и благодати лучи возсияша, в храм Божий вшедшей Тебѣ Дѣво Мати Чистая, в нем Благословенная.

И ныне: Повинуся Рождеству Твоему Всечистая, яко Творцу и Богу, небо и земля и преисподняя, и всяк языкъ земныхъ исповѣдает, яко Господь явился, Спас душ нашихъ.

Песнь 8

Ирмос: Слыши Отроковице Дѣво Чистая, да речет убо Гавриил советъ Вышняго древний истинный: буди къ пріятію готова Божію, Тобою бо Невместимый с человеки поживѣ. Тем и радуясь вопію: благословіте вся дела Господня Господа.

Пресвятая Богородице, спаси нас.

Пречистый храм в Дом Божий приводящи Анна иногда, вопіющи с верою рече священнику: Чѣдо от Бога данное мне, приим ныне, введи во храм Зиждителя твоего и радуясь поя Ему: благословіте вся дела Господня Господа.

Пресвятая Богородице, спаси нас.

Рече, видев, Анне иногда Духом Захаріа: Жизни Матерь вводиши Истинную, Юже свѣтло пророцы Божии

Богородицу проповѣдаша, и како храм вместит Ю? Тем чудяся вопию: благословіте вся дела Господня Господа.

Пресвятая Богородице, спаси нас.

Рабá Бóжия бых аз, отвещá Анна ему́, призывáющи сегó véрою и молítвою, пріяти моея болéзни Плод, по пріятии же Рождéнную привести Дáвшему Ю. Тем зовя́ вопию: благословіте вся дела́ Господня́ Гóспода.

Пресвятая Богородице, спаси нас.

Закóнное воістинну дéло есть, священник речé ей, странну же весьма́ вещь поразумевáю, зря Приводімую в дом Бóжий, преслáвно превосходя́щую святáя благодáтию, Тем и рáдуяся вопию: благословіте вся дела́ Господня́ Гóспода.

Слава: Возмогáю, речé Анна ему́, зная́щи, яже глаго́лещи, разумéеши бо сия́ Духом Бóжиим, я́сно яже Дéвы проповéдал есі: прими́ ўбо Пречістую в храм Создáтеля твоегó, и рáдуяся пой Ему́: благословіте вся дела́ Господня́ Гóспода.

И ныне: Светоно́сна нам возжжéся свещá, возопі священник, Рáдость величай́шую светя́щи в хра́ме; дýши прорóческия да сра́дуются мне, я́ко преслáвная зря́ще совершáемая в домú Бóжиин, и да вопи́ют прісно: благословіте вся дела́ Господня́ Гóспода.

Песнь 9

Ирмос: Яко одушевлéнному Бóжию кивóту да ника́коже коснётся рука́ сквёрных, устне́ же вёрных Богородице немолчно, глас Ангела воспева́юще, с рáдостью да вопи́ют: істинно вы́шши всех есі, Дéво Чістая.

Пресвятая Богородице, спаси нас.

Яко пресвётлую, Богородице Чістая, душéвныя чистоты́ имúщи доброту́, благодáтию же Бóжиею исполня́ема с небесé, свéтом присносу́щным просвещáеши всегда́ с весéлием вопи́ющая: істинно вы́шши всех есі, Дéво Чістая.

Пресвятая Богородице, спаси нас.

Предстаёт Богородице Чистая, чудо Твоё силу словес: тело бо в Тебё поразумеваю паче слова, течения греховнаго неприятно. Тёмже благодарственно вопию Ти: истинно вы́шши всех еси́, Дево Чистая.

Пресвятая Богородице, спаси нас.

Преславно прообразоваше Чистая, закон Тя скинию, и Божественную стамну, странен кивот, и катапетасму, и жезл, храм неразрушимый и дверь Божию. Тёмже научают Тебё звати: истинно вы́шши всех еси́, Дево Чистая.

Пресвятая Богородице, спаси нас.

Песнопоя Тебё провозглашаше Давид, глаголя Тя Дщерь Цареву, красотю добродетелей, одесную предстоящую Бога, видев Тя упещрену, тёмже пророчествуя вопияше: истинно вы́шши всех еси́, Дево Чистая.

Слава: Богоприятну предзря Соломон, проповеда Тя одр Царев, живый Источник запечатствован, из негоже немутная нам произыде вода, верою вопиющим: истинно вы́шши всех еси́, Дево Чистая.

И ныне: Подаёши дарований Твою тишину, Богородице, души моёй, точащи жизнь Тебё чтущим по долгу, Самá защищаючи, и покрываючи, и соблюдаючи, вопити Тебё: истинно вы́шши всех еси́, Дево Чистая.